

عدنان المصرى

أزمات من سُكات

أشعار

طبعة أولى مايو 2019

بطاقة الكتاب

الكتاب رقم (400) الحائز على جائزة الطبع فى
مسابقة الإصدارات المنوية لمؤسسة النيل والفرات

عنوان المؤلف	أزمات من سكّات
المؤلف	عدنان المصرى
التصنيف	أشعار
رقم الإيداع القانونى	9447 - 2019
رقم الإصدار الداخلى	400 الطبعة الأولى مايو 2019
عدد الصفحات	100 صفحة

جميع حقوق الطبع والنشر محفوظة للمؤلف، ولا يحق لأى دارنشر
طبع ونشر وتوزيع الكتاب أو ترجمته أو الإقتباس منه أو نشره على
النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 01-35-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 فاكس: 020554372901
النيل والفرات nagyegy200064@gmail.com
alnilwaalfourat alnilwaalfourat@gmail.com
المقر الرئيسى: ج.م.ع. محافظة الشرقية - الحاضر من رمضان - مجاورة 13 - أمام سنتر الد3 - عقار 304

مقدمة

ومن قلبي باحييكم
وأشارك فرحتي بكم
أرشد المسك والعنبر
وبادعي ربنا ليكم
مفيش أحزان ترازكم
وكم أفراح تغطيكم
معكم حلمي راح يكبر
أعيش العمر اراعيكم

تحية لمبتكر النيل والفرات

أستاذ كبير محترم أخ لكثير إخوات

حقيقى والله إنتظلم اللى ماشاف قدرات

جمع أحبه بقلم وده عصره إنجازات

شال من قلوبنا الألم وم العيون عبرات

يحميك يا أصل الكرم شایل ما بيننا شتات

طيفك لو

طيفك لو كان جنون

مايكون وشك حنون

وآلا حرفك حتى ناوى

يغزل أشعار تهون

طيفك عدى البحور

سباح لأيام شهور

ومداده حرف داوى

خلا الكلام يثور

طيفك حن لماضييه

كنت أسأل دوم عليه
كان يعمل فيها حاوى
يقلب عاليه واطيه
طيفك ياويلى منه
قلبى على طول يحنه
رغم إنه شاف بلاوى
مايراعى حتى سنه

إسالى

إسالى عنى الحروف

إسالى عنى القوافى

شايلى المعجم بأطوف

وسط بردك حرفى دافى

ياللى لاعة للظروف

نفسى منك رد شافى

رغم دنياك قطوف

ليه بتنخرى للحوافى

شاغلة بجمالك ألوف

شأيفة قلبى ماهو كافى

هأقلب الأقسام سيوف

قلبى ماعاد ليكى صافى

سيبتى جوة بس خوف

سدة ليه منك مصافى

عصفور

عصفور ف الايد كان عالشجرة

باحسبني معاه انا متهنى

بيقول ويعيد قلبه ده حجرة

وأنا برضه ف حبه أنا متانى

عصفور ف الايد بيقول ويعيد

وفايتنى بعيد خالص

عصفور ف الايد وببتمسكن

علشان ممسوك

وبرغم الحب المتمكن

حاسس بشكوك

بكرة الأيام ليا هتنصف

وبيات محقوق

عصفور ف الايد

وسايبني وحيد راقص

عصفور ف الايد والريش منه

بجميع الوان

وانا مهما اقرب واحنه

يقابلنى كيا

طمینى

کلمینى

فهمینى

ليه وقاطعة ليه وتینى

ليه وهاجرة بتسیبىنى

الآلام تطحن سنینى

وانتى روحى نن عینى

کلمینى عاللى فات

قلب ملیان ذکریات

قلبى رافضك سکات

ده بسكاتك تقتليني

طمنيني عالصلات

ده البعاد بيزيد آهات

قلتي إرحل حبي مات

واللى مات قلبى وحنينى

إندهينى م الحارات

إوعى تمحى منى ذات

حبي حقق معجزات

وانتى منى تقطعينى

فهمينى / كلمينى

طمنينى

برغم المدامع

برغم المدامع وقلمى اللى دامع

مجهز لكفنه وشاقق حشايا

برغم المقامع وساكنت وسامع

محضر لدقنه أقول دى البداية

اربى وأكبر وللقلب أصبر

هيرجع حبيبى أكيد ف النهاية

أشيل هم بيدى وحاضن وليدى

مخبى دموعى وكاتم أسايا

حبيبى وحيدى يخلص لجيشه

يودع لأمه يسافر معايا
يحضر جوازه يجهز جهازه
نكمل حياتنا ونوصل لغاية
مسافر حبيبي منايا يعود
يودع زمايله يللم جراية
يسلم لمدفع يتمم بارود
يحصن لنفسه يعدل مرايا
واقف يدافع أسد م الأسود
يعلم لغيره يرجع هنايا
شاوئش أصله خارج واخذها بصمود
ده رمز الجدود لرب العطايا

باقى لحبيبي يوم أو يومين
مفصل لبدة مجهز عباية
لزوم القيامة ولأجل السلامة
هيعقد ونمشي يحقق منايا
قاعد متابع محنى الحضور
محضر مهور أكمل عشايا
شاييف دمار وحاسس بنار
وكم المرار وكابرة البلايا
رسالة لعمدة توضح حقيقة
ونفس الرسالة تبلغ عزايا
ده ابن اللي راجع فروم ألف حنة

مقطع لجته جه كومه ف ملاية
ده إبنى اللي راح وحق الصباح
ما هأسكت ولازم أبين خبايا
هأكون جد حازم وأجيب حقه لازم
وهأكتب ملازم وأعدد مزايا
وهأكتب بإيدى وأبن وليدى
وهأنشد قصيدى وهأحكى الحكاية
وليه إتقسمنا لقتل إبتسمنا وفين
المروعة وفين الهداية
حقد وشماتة وكم الغتاة بنلعن
لبعض ونظهر بلايا

وننزل نشارك ونبدأ معارك
ونضرب عيال ونهتك صبايا
وماحد عامل حساب للقانون
مال والبنون ونفرض جباية
مادد له الإيدين وصابر سنين
برغم إن غنى قتيل الكمين
ونفسى الهداية ونفسى نعود
ونلعن بارود لمصر السلام
لمصر التحايا لمصرى
خضوعى لمصر إنحنايا

مركب محبة

وركبنا مركب حبنا على

صفحة الشوق والحنين

كان كل شئ بيضمنا ما

عرفنا حتى روحنا فين

الريح ده طاب له حيناً

والريحه مسك ورياحين

والورد الأبيض قلبنا

أزهاره فل ويا سمين

حبك زمان مكن لنا

محلاها لمة لعاشقين
يادى السرور يا دى الهنا
مين قدنا مين زىي مين
كنت أما بأفرح تفرحى
وتقولى قسم فرحتين
كنت أما بأسرح تسرحى
وتقولى شكلك ليه حزين
كنت الهوى لو تجرحى
جرح الحبيب مليان أنين
بس اللى أرجوه تسمحى
وتسيبى قلبك يوم يلين

ويهبز بيتي ومطرحي
يقلب لصفحه صفحاتين
ريتك كمان لي توضحي
ولامتي بفضل غرقانين
كنتي شراع المركبه
كنتي كمان المجدافين
كنتي لقلبي قريبة ما
بعدتي حتى خطوتين
وانتي اللى عمرك طيبة
تروى كمان للعطشانين
على عرش قلبي منصبة

ملكه لعرش قلوب تزيين

هاأعلنها للناس قاطبه

حبك دليل للموعودين

إن كنتي فعلا راهبه

هأرقد ف محرابك سنين

بس خلاص مابلاها نصيحه

بس خلاص ياسى نصحي كفايه

أصل الوزن معاك ده فضيحه

وكأننا ماسكين فلايه

تفرق إيه عن باعه سريحه

جوة المترو ماسك طفايه
المفروض تكبر ياسى نصحى
وتكون لينا كأن مرايه
ليه راح تنقد بالطريقة دى
ليه بقى تقتل شئ جوايه
أصل نصيحة لو جت صادقة
بينى وبينك تبقى رعايه
إحنا خلاص رافضين لميزانك
راجعين هنبيع بالحباية

لسه فاكراه

لسه فاكراه مانسيتيش فاكراه إني معاكى أعيش
وإني ياما كنت بأحلف عالفراق يبعد يجيش
واللى كان عايش معانا واللى قال رايح مأجيش
كنت عايش ليكى وحدك وإنتى نافشة ليا ريش
عمر أنا سايبك براحتك الزمان مايهمنيش
لسه فاكراه يوم لقانا نفرد الأحلام كانيش
لسه فاكراه حب جانا علا للأحزان تهيش
وآلا فاكراه نجوم هنانا ف السما ماتشتكيش
لسه فاكراه ولسه فاكراه الزمان مايكفنيش

تهوووون

تهوون تهوون تهوون

تهون الدمعه لو ليكي

وأبيع الدنيا شاريكي

أنا قلبي عايش بيكي

وماشي فيه خطاويكي

ولو ترميني وسط النار

تهوووووووووووووووون

تهوون تهوون تهوون

تهون العشرة مع غيرك

ياما عشت أنا ف خيرك

أحسن للخطوط سيرك

يدوملى ف السما طيرك

وبجناحه يزيح لمرار

تهووووووووووووووون

تهوون تهوون تهوون

حياه حلوة مهيش مره

تهون لو حتى 100 مره

وسط النار دى لو ماره

أقول أفديكى يا حره

وما أبين أبد أسرار

تهوووووووووووووون

تهوون تهوون تهوون

وتهون معاها صعب

يا كل الأهل والأحباب

من غيرك حياتى عذاب

ومهما كنت بين أسراب

أعود ليكى ياست الدار

تهوووووووووووووون

تهوون تهوون تهوون

تهون الروح ولا روحك

وأطيب ليكى لجروحك

وأشم الورد فى دوحك

وما يتعبنى غير نوحك

معاكى مكمل المشوار

تهووووووووووووووون

تهوون تهوون تهوون

مصر بلدنا

مصر بلدنا الخير جوانا

جيش مع شرطة الشعب معنا

دمياط دى محافظتنا أمانه

نرفع ليها نعلى مكانه

فيها صناعة وفيها تجارة

فيها المهرة وفيها شطارة

فيها الجبنة وحلويات

فيها الأحذية وموبليات

فى ميت الخولى أسرنا لويس

دعوة لكل الناس عالفيس

فيها نعد بس صفات

قولوا معانا تعيش دمياط

قولوا معانا تعيش دمياط

حقك على راسي

كل واحد يموت له حبيب

يروح له قريب يضيع منه بيفتكراه

عليه يحزن يظن الدنيا

خلاص راحت مايسلاهم

تعدى أيام تعدى شهور

آخرها سنين وينساهم

تعيش ذكرى تموت ذكرى

عائش عمرى ف هواهم

ما غابوا عنى مرة ف يوم
من غيرهم عايش مهموم
يعدى اليوم وراه ميت
يوم وأنا فاكِر وموش ناسى
معاهم بالتقى الفرحة
معاهم قلبى إحساسى
معاهم بأفكر رمضان ولمتنا
مع المغرب وقعدتنا لصلاة الفجر
وحزنى وقت ما أفارقهم
وساعاتى بعيد عنهم مالىها الهجر
يروح رمضان ويوم ورا يوم

يعود تانى شاييل فرحة معاه أمانى

الأقى الذكرى وخدانى

مع المدفع قوام نرجع نتجمع سوا تانى

معاهم تانى نتجمع ونتحاور ونتشاور

نثبت وقت ناخذ صورة

مع الفرحة مفيش أحزان

ريتها أيام وترجع لى

وعند المولى تشفع لى

دايما فاكّر طببخ أمى والبالمية

ف دقية وطشة توم ملوخية

وقلقاس تعمله بالسلق طبيخها

بيه وشاهدة الخلق

اللحمة ف إيد أبويا كانت لحمة

وتحس المناب منابين

ومهما كنا برضه كتار على الإفطار

كانت طبخة بتملا العين

ياريت نرجع لأيامكم ونتجمع

ونوقف عجلة الدوران

نشبت وقت ناخذ صورة

مع الفرحة مفيش أحزان

على الأوتار

على الأوتار

تجديد اللعب

على الأوتار

من أحلك أعلنت الثورة

ولقد حطمت الأسوار

حطمت الجاه وجبروته

لن أخشى يوما إعصار

لنظام قد أدمن ظلما

وجهت إليه الإنذار

أن يعدل يرحم يتقوم
يرجع ويفك الإعسار
لكنه فى الظلم تمادى
حتى دمرنا الأزرار
وطن قد ضاع غربته
وطن وكثير الأسفار
نحن عباد للواحد
بجواره عبدوا الأصفار
لا تكفى معهم أفدنة
نحن وتكفينا الأمطار
اجتمع الظلم فيا ويحى

حملوا للنشر الأفكار

نحن عباد للقادر

هم عبدوا الدرهم دينار

وعدو أرعن حطمنا

وخيانة لذهب ودولار

الثورة حصدت أرواحا

وشباب لذات إنكار

ننتظر الفرج سيأتينا

ننتظر هطول الأمطار

ننتظر يحدونا أملا

لانملك إلا الأشعار

سباح شاطر

بيقولوا عنى سباح شاطر

وسط بحور من جوه عنين

رغم أنا سايب موجى يعافر

سباح جوه عنين تانيين

شطك عدى على بموجه

شوفت عنيك إزاي حلوين

قولت أقدف وأسرح فيها

بس عيونك ليه تايهين

مقداف طالع مقداف نازل
شبكة غزلك إيه صايدين
طول عمرى عالبر أنا قاعد
جنبى عليه الناس قاعدين
ده بببخلق وده بببببص
قاعدين عالبر الشاطرين
إرجع دور لف شطوطك
إنته أكيد ناقصك تحصين
ليه سناره كفايه عيونك
أجمل وسط عيون ملايين

وكان صاحبي

كان صاحبي وأنا صاحبه

على الحلوة وعالمه

كان دايمًا ينصحنى

بحب كبير معاه خبره

مرض قرب مفيش مهرب

صبح هيكل ده كان زهره

سنين غربة قربت بيننا

مافارقنى فيها وألا مره

غربة سنين بعدت بيننا
قاللى ف يوم هأجيك عمره
بس إدعى بصوت على
يصلح ربنا حالى ف دى السفره
تعب قلبى مع فراقه
محتاج له نكشة مع عمره
تاه عقلى مع بعاذه
كأنه بكاس شارب خمره
ف الحج فاكّر معاه السعى
ورمى جمرة ورا جمره
وف رمضان فطار زمزم

بدايته قهوة مع تمره
رجع أبو منة في الماضى
قاللى سنين كثير ماره
سنين إيه اللى حصلته
أدينى بأعانى من فتره
على ربى رامى حمولى
راضى اللى قسمهولى
مفيش نفره
الدنيا في بتكسر وإحنا
مانعرفلها مكسر
كانت قرعة أو حمرة

على نفسك وخذ بالك

إوعاك تحسبها جياالك

خد من مرضى ليك عبره

راجع مصر أتعالج بيقولوا

علاجى ف الخارج

راجع قلبى شايلى حصره

ولادى خد بالك منهم إ

سأل عنهم إوصلهم

كون ليهم واحة خضره

مد العون كمان ليهم

كون سندهم إحميهم

من قلوب صخره
جواهرهم زرعت الخير
ويكونوا سند للغير
وصلاة بعدها مذاكره
الحياة هناك صعبة
إدعيلي وإنت فى الكعبة
إرفع إيدىك الطاهره
قول يارب إحميهم
ولاد جابر وخليهم
يعيشوا حياة بدون كسر
دايما ماشى ف تقوى الله

ودايما لما أعوزه ألقاه

برحمته باعت نصره

خوف من بطشه قربنى

رد على جاوبنى

خوفى كله من بكره

الموت حظيته قدامى

خلاص هأعد أيامى

سيرة الموت كمان أكره

عشت زمان أعد ألوف

كرهت الجاه كرهت الخوف

عايش كأتى فى الصحره

كثير م الناس حاسدينى

ف النعمة مقاسمينى

يقولوا فى بلاد بره

بيحسدونى على مالى

ظروفى وكل أحوالى

على الهدمه على الكسره

على مصر تانى أنا نازل

مالازمنى فلوس وألا منازل

علاجى أصله ف القاهره

راح إنقطعت أخباره

قلت أطلب تكون بصره

والأقى محمد يكلمنى يطمنى

عن أحواله تكون جابره

رد على صوته حزين

مين عايز محمد مين

مين بيسأل عن الماضى

محمد مات وأنا راضى

خلاص النفس منكسره

قلت كتير كان إتحمل

وبيه كنت أنا أدرى

من ربه كتير قرب

رب الرحمة والقدره

ضاع ضاعت معاه الدنيا
فاتنى لا كلمة وألا نظره
ليه الدنيا بعدتنا وحرمتنا
وإمتى تعود بنا الكره
فى الجنة مع أبو جابر
محمد أصله كان صابر
والجنة دى لقلوب صابره

غايب عنها

وغايب عنها كام ليله وراجع ما على بالى
مع أصحابى نكون عيله معاهم سهره تحلالى
وأروح البيت أشيل شيله ألاقى ليلها بتلالى
أتسحب على صوابعى كان طبعى أشوف حالى
يادوب آخذلى تعسيله لازمى مزاج يكون على
مافكرتش ف يوم ليلة عليها أعطف شعور بالى
أحط هدوم عشان تغسل وأحط معاها إهمالى
وأقطع هى دوم توصل وعنى شايله لأحمالى
ياواد عيزاك تكون راجل وتكون للتياب مالى

ماليش غيرك سند دنيا حياتى ليك وليك مالى
وفر برضه لفلوسك لقرش أبيض سودة لىالى
وأنا أحلف هاآخذ 100 بلاش نصحك وإذلالى
تقول الحب تضحيه وتحضننى تقول غالى
وأنا همى ف نقديه وحبى عمره شمالي ما
لاحظتش تغيرها توترها تيابى لما شمه لى
عايزها بس تعطينى وديمه كيسها فكالى
تغير من طبائعها أنا مالى ما لايقالى أخش
البيت تكون نايمه أزرق لأجل تصحالى
يابنى الصحة مش دايمه ليه أحزانك سيبهالى
وتهرب عيني من عينها شايف دمعاتها بصالى

بلاش يامه تلوميني بلاش ليه تدمى أفعالى
ويوم سيبتلى للرساله راجع للبيت لاقيه خالى
وروحى للى يرعاكى وقلتلى ف بيت خالى
ما فكرتش عليكى أسأل وقلت يومين وترخالى
مادورتش وليه روحى معايا فلوس ما لازمالى
عرفت الحب أنانيه مامرة قلتي هاتھالى
فاتت أيام ماعديتها ما أفعل حتى لسوالى ما
حاسس حتى بالغيبه يادى الخيبه كلام جالى
أمك يابنى ف الإنعاش وأنا أعاتب لإهمالى
ما جايب حتى قطن وشاش وما حسنت لأعمالى
مايوم الحب بيننا عاش فلوسها وبس أبقالى

وعايش للزمن كباش مايوم الدنيا تصفالى
راحت أمى وساييه أعراش أفاعى السم بخالى
ولو نبنى لحب إعشاش دعاها المولى شادهالى

عبدہ شطارہ

واقف أعد فلوس ف الحارة
كنت سالفها هأجيب طلبات
عدى على عبدہ شطارة
بص بعينه ضرب طلقات
قاللى عايزهم سلفهملى
ده أنا محتاج وياها ألوفا
قلت ياراجل إبعد عنى
قاللى أنا جارك قسم هات
إزاي راضى تسينى أعانى
جار للجار طب ده إحنا إخوات
قلت أقسمهم رغم ظروفى
يمكن تفرج م البهوات

منه حقيقى زايد خوفى
بلطجى عايش عالغزات
راجع الحارة بعد شوية
مطلوب منى حاجات وحاجات
شايف عبده قاعد يتغدى
مطعم وكأنه ابن ذوات
ريحة الأكل ياخلق دى تهوس
والأ كمان المشويات
بص على بعدين طنش
نفسى ف أكلة من الأكلات
واخد منى فلوسى كاسرنى
وأهه ببيرطع ف تكيات
نفسى أتعلم كده وأستنطع
نفسى أعبى المكر بالات
وأطلع تانى الشارع أستطلع

يمكن ألقى هناك نفحات
وأقعد آكل كبدة ولحمة
والأ صوانى معاها صاجات
بس الحر مايقبل ذلة
ومايقبلش تضيع كرامات
راجع شايف نفسى مثالى
قاضى جميع كل الصلوات
الله يسامحك ياللى ف بالى
ياللى زرعت ف نفسى عادات
خايف أقول إدينى فلوسى
يخطف منى ولاد وبنات
جبن ده أصبح هو السيد
والأخلاق ويا الأموات

مين اللى قالك

مين اللى قال يابن البلد

عن كرامتك تتنازل

صح الغلط بييجيب غلط

وكله كده بقى ف النازل

عن عورات الناس

إبعد بطل بقى كفاية مهازل

وللسان ركب طبة

ولفه وياها بعازل

ياللى تعاكس ف بلدنا

مستنى مين ليها مايغازل

العرض غالى يارجالة ليه

على البلد ليه نترازل
خلوا إيدنا إيد واحدة
ومفيش ف وسطينا عوازل
شيلوا الغشاوة بلاش فرقة
هتجيبوا لولدنا زلازل
بركان ثاير ف الهوا ماشى
حرق ف بيوت ومنازل
كل البلد إخوة حبايب
ولأخوك أبدا ما تنازل
هو السند وقت الشدة
وهو ده لتوبك غازل
لماتعوز تلقاه جنبك
عمره ما هيكون متخاذل

1 - انا وانت

أنا وانت أخ وأخوه
أخاف بيننا الحقيقة تتوه
بتغالط كثير نفسك
وناسى إن أنا اللى هأتوه
ده إبنى وأمره ده يهملك
لو إبنك كنت برضه هأتوه
ياخويا حرام تدمرنى
حرام عنه تقول مشبوه
حبيب الجد والنينة
وكل الأهل دول حبوه
إنت وعارف إنه برئ
رضيت ليه إنهم ياخدوه

جای تحاسبنی علی فکره
وتتشمت ف أخوك وأخوه
لو حاسس حقیقی بأخوك
وعارف معنى إني أبوه
وإني حقیقی بأتقطع
أب وأم إيه یجنوه
كنت حاولت تساعدنی
حجر قلبك علیه خطوه
یاقاسی عمری أنا ماقاسیت
عايز الكل لیه ینسوه
أنا وإنـت

2 - أنا وإنت

أنا وإنت مريض دكتور
عائش عمرى بعيد مسرور
لا عمرى شكيت وألا قربت
قالوا فحوصات أنا إتكهربت
دخلت عيادة عشان فحوصات
طلبت أصناف كتير إشاعات
معاك وشلت هم صاجات
ع بالى حبة حساسية
او إسبرينة م الغالية
بروشة رجعت البيت
مصاب نفسانى ما إتغديت
نزلت تانى عالشارع

بأزيج أفكارى وبأصارع
جيتلك ورجعتك تانى
راجع بأجرى وأنا بأعانى
عديت لى كتير أمراض
وما عنديش لها أعراض
ده كله عشان تحلنى
عشان قرشى تبهدلنى
راعى ربنا ف الناس
قسم حالفه ده هو أساس
سيبك بس م المادة
دى مهنة كلها إحساس
أنا وإنت

3 - أنا وانت

أنا وانت عاشق معشوق
بتعاملنى بالقسوة
وبتعامل معاك بالذوق
هواك وهوايا متباعين
ليا غروب ومنى شروق
بتقابلنى ببرودك
وأنا أقابلك وكلى حروق
دايما قافل كده حدودك
وأنا حدودى مالىها الشوق
بأحبك وانت بتطنش
وأنا طول عمرى ما بأونش
عشان نفسى معاك أنا أعيش

تملئ الأقبك نافشلى الرىش
وبتصيح كده ف وشى
كمان تقلب لغيرى كنيش
أدور كل حبة هناك
تروح مرة ومرة ألقاك
ومرة تجينى م الحيطه
ومرة تجينى م الشباك
ومنك كل يوم تلاكيك
مضلل عمرى برضه عليك
أنا مش ملك لىك يافريك
أنا اللى معاك ف كله شريك
وتحبسنى وإيه صابك
تروح تلعب مع أصحابك
تسيبنى لوحدى أنا أهاتى
ماهمك زعلى وآهاتى

همك بس قول هاتى
تخلص لى مهيأتى
أنا وإنت

إرجعى

إرجعى يامصر دافية إرجعى
والضحكة صافية إرجعى وزيدنى
قوة بأدعى ربى تزيدى عافية
إندهى تلاقينى سامع م الكنايس
والجوامع قلبى بيكى عاش وقانع
قلبى باكى والمدامع إرجعى وما
تبعديش من غيرك ما لازمى أعيش
مصر فعلا إنتى أمى واللى بيكى
مايرضنيش إرجعى هيزيد إيمانى
قلبى مليون بالأمانى ليكى بس أجود
بروحى ده عشانك مش عشانى
إرجعى فاتحة لإيديكى جى أدور مش

لاقيكى فاتحة حضنك ليه لغيرنا وإحنا
بندور عليكى إرجعى وبلاش بعادك
ليه بتقسى وليه عنادك ليه وسايبة
ليه شطوطى لينا جذرك فين مدادك
إرجعى من تانى عودى إرجعى إحيى
لوجودى إمسحى عرق السنين
إمسحى دمة خدودى إرجعى ده
القلب ظاهر إرجعى ده الحب ظاهر
عالبعاد الله يعيننى عالبعاد أنا قلبى
صابر إرجعى ساعى الجميع كله
فيكى أخاف يضيع كله ناوى يسيب
مكانه للوطن ممكن يبيع

إرجعى ليه

ليه يا أخويا تدوس على
تهدم فى تسبينى اقاسى
حبى ليك منى التحيه
ليه عايزنى أوطى راسى
عمرى أقول ياكبير ياراسى
قلت للناس إنى أهبل ده
إنت طول عمرك كبيرى
ليه تغير من أساسى ليه
عايزنى أسيب ضميرى
منك شفت كتير مآسى
ليه عايزنى عنك أبعد
وأنسى ليه إنك أساسى

ليه وهنت عليك يا أخويا
ليه لأخوك ناكر وناسى
إبعد عنى عيش براحتك
بعث أخوك ف زمن قياسي
مش هأدور تانى عنك بعد
عنى قرار سياسى عيش
سعيد جاى يوم وتندم
وماتلقى غيرى يواسى
جيت أقدف جنب برك
وانت ليه تهدم مراسى
أعلى النموذج

فصول أربع

فصول أربع ولاد ملاعين

فصول بايخة وفيها عايشين

فصول أربع لمين قاسمين

وبيننا الحقد فيها دفين

ولما الجو يصبح نو

وبيننا أمشير يعكر جو

تلقى الكل ليه تخفيف

وتلقى الحر جى تلافيف

ولما الثلج ينزل صيف

ويتبدل ربيعنا خريف

معاه يمكن وهنتقل
ونتغطى ولو تلاحيف
فصول بايخة ومتقابلين
وثورة بعد قهر لعين
نوارى عمرنا ف الطين
ومش عارفين راحين على فين
ولما العصر يبقى ظلام
ويبقى العهد كله خصام
ونلقى القهر ف الأحلام
نبات نصحي عليه وننام
فصول بايخة وكاس شاربين
وبنعبي الآلام سلاطين
وبنخاف م السعادة يومين

ليرجع لنا هم سنين
ولما الفرحة تيجي ساعات
نخاف تانى ف هم نبات
ونرجع تانى بالذكرى
ندارى عالشموع أوقات
فصول أربع بتتجمع
وبيننا الكره بيسمع
ياريت مع بعض لو نرجع
سوا تانى ونتجمع

حادی بادی

حادی بادی لفین یابلا دی
ویهود خالفه لکله تعادی
ضربه وجایه م الناحیه دی
ضربه لغزه کمان للوادی
أمه تهاتی کمان بتتادی یا
شعوب طرشه لمین هنادی
أمه عفیه ولیه هتراضی
إغضبی مره وعلی لصادی
إغضبی مره وردی أراضی
أمریکا قالت منی حیادی
کلکوا فعلا زی ولادی
بس یهودی قریب أکتر

أصله صغير يضرب عادى
إوعى عليه كده يوم تتهور
لأمسح بيك الأرض وأفادى
غزة ف عينك منك ليه
خد لك راجع خليك هادى
ممکن تشجب وألا تندد
إوعى تزيد هتزيد أحقادى
مصر لابد هتفضل واقعه
مصر ده دورها أساسى قيادى
لو لتحيد يبقى نجاحنا
لو تتحزم رايح غادى
إصحوا يا عالم ياللا وفوقوا
وبلاش أونكل مامى ودادى
ربوا ولادكم عالتضحية
لموا الشمل جهاد وجهادى

إحنا لآبد وناخد تارنا
بكره هنمحي العار ياهنادى

ماتفوق بقى

مستنى إيه لسه الأمانى مشعلقه عايزنى
منك فين أروح أوصل لحبل المشنقه تلقانى
طالعة منى روح تلقى الإيدى متعلقه عمرى
ناحت م البلاط وانت بشوكه ومعلقه عمرى
كمان من غير رباط تلبس تشوط ف المحرقه
ليك منى دايم الاحترام وشبعت منك تريقه
ماتفوق بقى

وانا راحل

وانا راحل يفوت ساحل

ورا ساحل وميت ساحل

ومات ساحل وما أتساحل

وانا شاييل ألم كاحل

ومات كاحل وما تكاحل

ورم لينا لميت كاحل وبأعبر

من مينا لمينا ورا مينا

ورامينا لزمن قاحل أدوس

عالشوك ماليني الهم

وما أهتم جسد ناحل ألم

راجع ومايسيبنى تتوه

روحي معاك يا بني تسيب
الهم راكبنى وبتسيبنى لطريق
واحل حقى يضيع
وتتساهل ومنك عمرى
ما أستاهل أخاف منى
ليوم تهرب وتتهرب
وليه تكهرب ماتتفاعل مفيش
بينى وبينك فاصل
ومات فاعل وما أفاعل وعمرى
ليك أنا واصل
وبأحكى كل شئ حاصل ومات حاصل
وما أتحاصل لجمع وضرب
عمله عملها فينا الغرب
بوسنة وصرب وأنا راحل يفوت ساحل ورا ساحل

جنب بيتنا

الجامع جنب بيتنا يصرخ عمال يئن
أبعد عنه وأجرى أزعق أقول ده جن
إزاي جنى ف مسجد فكر إهدا وكن
قوم قرب منه حبه قلبك خليه يحن
لو حاجة تخص دنيا ماكنت يوم تون
مسجد يعنى السجود إحسن لله بظن
لدينك ولحياتك إعمل حساب لسن
ف الجنة غسل مصفى مافيه ماء أثن

أحمل مأساة

أحمل مأساة أخرى
لأطوف بها البلدان
أحمل مأساتي تترى
قد قوضنى البنيان
وسأصبح يوما ذكرى
ألعن وأسب وأهان
أو أصبح ذكرا عطرا
بلسان بنى الإنسان
أو يقسم ظهري شطرا
لحديثي عن أوطان
أتمنى لمصر النصرا

ماشى مرة

ماشى مرة كنت وحدى
واللى شافنى قال مالکش
إيده طالعة هناك تشاور
جوز ومربوط فيه كلابش
حرمة كانت ماسكة إيده
جوز قرون وتقول ده كبش
نازلة ليه تقريص ف وشه
تحت عينه نازلة هبش
قلت أحاول صلح بينهم خوفي
أروح البيت ما نامش
قمت أقرب قلت أجرب
عرقه مرقه وفيه ما عامش
سايبة إيده وجت على

إوعى تمشى ما إنتقلش
خاف لتديه بالبونيه راح
مقرفص نام ما قامش
هى فاتحة النار على إنت
مالك جوز ما خافش
إمشى ياللا كون ف حالك
أصله جزمة ليه مادبش
لو معاك حرمة حقيقى
كنت تلقى منها دبش
إنت ليه تعتب على أنهى
جوز ده ما إنضربش
واللى عايش ما له قرده
لسه متتيل ماخابش
يعنى شوفلك حتى فرده جوز
جوزين تصبح طروبش

أصعب شعر

لما تلاقى اللى بتشعرله مابيقدرش

تنسى الشعر وتروح قالب

بس كلام م اللى مايوجعش

إنت كمان بتكلم نفسك ناس

بعقول لسه ماتفهمش

بس أهم حاجات عنديهم إنك تنزل

وآلا تطلعش إنك تفضل

كده تحتهم تبعد عنهم وما توصلش

إحنا بنكتب علشان نوصل

نطلع قدام وألا نرجعش
علشان نقدر كده نتواصل
مع ناس تانية وألا نبعدش
نقدر نبني نعللى بنانا نقدر نطلع وألا نهدمش
ليه ما هتروى الأرض معانا
عايز تطلع وألا تزرعش
قرب منا هتلقى هنانا تلقى الخير
ويانا مايضيعش أفضل شعر
لما هترضى إنك تقرألى وليه ماتضيفش
لما هتعرف يوم تصفالى
لما هترجع تعذر حالى وماتطنش

أيام وليالى

صار لى أيام وليالى بأعدى شايف

النخل مغمى عنيه

كنت حقيقى مشغول عنه

كنت بألف وأدور حواليه

قلت له مالك حاسس بيك

ليه الحزن ودبلان ليه لو

عطشان من دمي أرويك

بس صارحنى زعلان ليه

ليه كده ساكت دامعة عيونك

طيب قول بتعيط ليه

ليه بتخبى الوش ده عنى

فين الضحك وفين لياليه

قاللى واحشنى غايب

عنى بلحى ورطبى ليه ماتجنيه

حتى كمان ما أخذتش بالك

كنت تحن عليه تحميه

من إيد عابثة من عين حاسدة

غاضض طرفك وما

ترويه سبت الدنيا تلطم فينا

حتى الحب كمان مداريه

إحنا النخل العاشق فعلا

سبت لصوص بيقطعوا فيه

إحنا الجدر لأرض حياتك

ليه الفرع تعوجوا ليه قلت

أنا حامى نخل بلادى

وما أسيب حد بطوب يرميه
هأفضل حافظ تمر
بلدنا يبقى نراعى كده نغذيه

لو

لو الإيدين متقطعة
وناس ناقصها المجدعة
مايهتموش غير بالرتوش
والكلاحة فى الوشوش
وشبابنا مش قادر يحوش
عن نفسه شغل المرقعة
تلقى العقول دى مضیعة
وكلامنا هلس ومضیعة
ناسيين إن الوقت فات
ومصر لسه ف السبات
خوفى نلقى القلب مات
ساعتها ماينفع عياط

مصر لسه مفرفره
يا القدام إرجع وره
مش عشان إنى أسوق
لأ هندفع تحت فوق
يعنى زقة يا أخويا منك
ليه تفكر يوم ف إنك
بس الوحيد بيحبها
حاسب لتطلع منها
قوم ياللا بينا نزقها

لو

لو القلوب إتوحدت وعرفت

قيمة البلد دى وأرضها

لو العيون إتفتحت ما إتجرح

الكرامة أو سال دمها

الحركة بركة نمنا ليه

إتحرك قرب منها

قربك يفيد ساتر حديد

عاشق لأرضك حبها

ما هتسوى شئ لو خنتها

ما هتسوى شئ لو بعتها

بلدك عريضة بلدك مريضة

بجناح مهیضة كون مصلها

ما تكونش عنوان للفشل

ما تكونش حجة لفصلها

حقنة ف عضل حقنة ف وريد

قوم مد إيدك شدها

شريان حياة يعيد لإتجاه

إعرف مداه قوم ردها

أحسن نضيع ويطلع وضيع

يمسك ف ديلها وسنها

أحسن نطاطى ويجينا واطى

يزيد آهاتى يهزها

عمال أهاتى خايف فلاتى

يسب فينا يذلها

وهى لا قوة وهى لاحول

واخدين دفاها وضلها

قوم ياللا وإطلع ما إحناش

ف مطلع بلاش تبرطع زقها

مع بعض نوصل مع بعض نوصل

إيدى لإيدك أمدھا

لو ز علت

لو ز علت لیه تخبی
جوه قلبك لیه تدارى
منى حتى برضه إشكى
لو تبیعنى برضه شارى
لیه هتبعد قرب إسعد
زید ف حبك طفی نارى
كون لى ضلة لحر قلبى
كون لى ضى ف لیل نهاری
إفرح إنت قلبى یفرح
تانی منه شیل مراری
منى قرب قرب أكثر
لیه هتهرب لیه إنتظارى

ليه تضلم ليك هأسلم
ليا سلم طال حصارى
إنت روحى إنت عمرى
إنت طيرى إنت تارى
تيجى عندى عندى تنزل
جى وفتح ليك مطارى
بإبتسامة بس منك
تطلع الخضرة ف صحارى
بيك هتبقى الأرض جنة
بيك راح أعلن إنتصارى

شجر حبك

أنا صابر ومستنى

شجر حبك ولى تدنى

فروع لقطوف ثمر يانع

وأكون بالحب متهنى

بحبى تطوف وليه مانع

عليا العمر متجنى

كویت قلبى بكام مكوة

سايبنى تعبت م الشكوى

ساعات النهار

عد ساعات النهار

عد الدقائق والثواني

خلاص لنا صدر القرار

هتدك أوكار الزواني

إما نرجع بانتصار

إما بشهادة للجنان

ياكل من ضحى بحياة

هتجيب له تار مهما نعانى

يا أم قاعدة ف إنتظار

صابرة وصبرك له معانى

الغدر عشش والحصار

هوه اللى قام من نوم دعانى

إن كان دا عش وألا طا

ماهاسيلكم أبدا مكانى

فين مدارك

ياحبيبتي فين مدارك

كل أملى أوصل لدارك

مستنى دور البطولة

إنتى ومواعدانى أشارك

قلتى عمرى كله عايشة

نفسى لحياتى تشارك

وأما جيت سلمت قلبى

روحتى فاتحة على نارك

هأفضل أستنى إتصالك

وأمسح الهجر بوصالك

إنّى بايعة وألا شارية

ليه تماطلى ليه فصالك

بايعة طيب إرحمىنى

ليه تسيبينى أعيش معارك

شارية طيب ليه تهينى

ليه تسيبينى ف إنتظارك

بارعة فى فن المناوشة

أوحتلى بإنبهارك

ليه بتاخدى منى شهدى

ليه بتسقينى مرارك

ليه صراخك عاملة دوشة

ليه وطالبة منى تارك

وأما قالوا عنى قائد

جيتى أعلنتى إنتصارك

وأما جيت ونويت أسلم

تطلبى منى حصارك

سبتى قلبى وسط عتمه

سبتى ليلى لشوق نهارك

محتوى الكتاب

2	بطاقة الكتاب
3	مقدمة
4	تحية لمبتكر النيل والفرات
5	طيفك لو
7	إسألنى
9	عصفور
11	طميننى
13	برغم المدامع
18	مركب محبة
23	لسه فاكركه
24	تهووووووون
28	مصر بلدنا
30	حقك على راسى
34	على الأوتار
37	سباح شاطر
48	غايب عنها
52	عبده شطاره
55	مين اللى قال لك ؟

57	أنا وانت 1
59	أنا وانت 2
61	أنا وانت 3
64	إرجعى
66	إرجعى ليه
68	فصول أربع
71	حادى بادى
74	ماتفوق بقه
75	وانا راحل
77	جنب بيتنا
78	أجمل مأساة
79	ماشى مره
81	اصعب شعر
83	أيام وليالى
86	لو
91	لو زعلت
93	شجر حبك
94	ساعات النهار
96	فين مدارك
99	محتوى الكتاب